

prieset eis aperire dignaretur. Quia quicquid agendi ratione virorum illorum modestia in eo eluet, quod cum essent sacerdotes in urbe non ignobilis forte ex primariis, virum (ut verisimilius videtur) laicum de tantis rebus consule non reformident (*In præsat. hujus operis*). Quo fit ut sanctus Prosper humilitati adeo laudandæ vicem rependens, hoc respondeat: id quod a se postulabant debuisse illos sibi præstare, sedula locorum Augustini meditatione, et confidenti fusa oratione ad Patrem luminum, a quo descendit omne datum optimum et omne donum perfectum (*Jac. 1, 17*), et a quo datur Spiritus sapientiae et intellectus. Hinc non quasi magister discipulos instituens, sed ut veritatis discipulus, humiliatusque et obedientius sector, superioris sibi ordinis viris obtemperare suscipit, ejus auxilio confitus qui sapientiam præstat parvulis (*Psal. xviii, 8*); et Excerpta ab ipsis ex duabus supradictis sancti Augustini libris loca fusiori oratione exponere, atque ad rectos sensus, ex collatione, quam urget ubique, cum antecedentibus et subsequentibus locorum unde ducebantur reducere, et a pravo in omnibus intellectu sarta et tecta ostendere aggreditur: humiliiter petens, ne ubi erat in ipso simplicitas obedientiarum; ibi præsumptionem putarent esse doctrinæ. Quod quidem egregie conficit tum Scripturæ sacrae auctoritate in medium adducta, tum maxime aliorum sancti Augustini Operum locis, cum his qui scrupulum fecerant comparatis; eodem semper, ut alias, tenore doctrinæ prædicans, et gratuitam omnimodis gratiam Dei, et fidem ipsam ab eadem Dei gratia et misericordia sumere principium: nec tantum boni omnibus promiscue conseriri, nec ullum omnino opus bonum, si divinum non affuerit auxilium, posse a quoquam præstari.

Civitatem autem ex qua illi libellum huic suum ad Prosperum direxerant Vir eruditus vult esse non Genuam, urbem Italæ primariam, quæ ab elegantioribus ædificiis Superbae cognomen accepit; sed Genesiam, quæ et Gembenna et Aurelia Allobrogum nominatur. Cui eo difficultius est ac in re assentiri, quod ubique presbyteri illi non Genevenses sed Genuenses legantur appellati.

De tempore denique quo hæc contigerunt si queratur, conjicimus scriptum horum hujusque rescriptum paulo post superiora, certe autem post obitum sancti Augustini, in lucem prodiiisse.

## S. PROSPERI

AQUITANI

# PRO AUGUSTINO RESPONSIONES<sup>a</sup>

## AD EXCERPTA GENUENSIA.

### Praefatio.

CAMILLO<sup>b</sup> et THEODORO venerabilibus presbyteris, A si aliqua vos morabatur obscuritas, decurrere ad Patrem luminum, a quo descendit omne datum optimum, et omne donum perfectum (*Jac. 1, 17*), et a quo datur Spiritus sapientiae et intellectus. Verumtamen præceptis vestris obsequium **242** meum non subtraham, et adjuvante Domino, qui sapientiam præstat parvulis (*Psal. xviii, 8*), de capitulis istis, quid cum sanctis et eruditis fratribus sentiam, breviter indicabo; petens ne ubi est simplicitas obedientiarum, præsumptionem putelis esse doctrinæ. De excerptis itaque hæc prima proposuitis, in quibus verba sunt sancti Augustini episcopi.

**241** In libris beatae memorie Augustini episcopi, quorum titulus est, *de Prædestinatione Sanctorum*, quædam sanctitatem vestram vel insolita aut minus, clara moverunt, quæ ad humilitatem meam, de contextu disputationis excerpta, misistis: ut quo intellectu, <sup>c</sup> quove judicio ea acciperem, nosceretis: quasi plus in me quam in vobis ad hæc introspicienda esset ingenii; ac non magis in hoc examine vestræ facultatis dæbueritis exercere mensuram, et

<sup>a</sup> Scriptum est hoc opus eodem forte tempore cum superioribus, post Augustini mortem.

<sup>b</sup> Remensis codex Remigianus, *Theudulo*. Ms. Ecclesiæ Parisiensis Joliensis, *Camillo et Theodulo*. Editio opusculorum S. Prosperi de *Gratia* et *Libero Arbitrio* Venetiis procurata anno 1538, *Camillo et*

*Theodo.*

<sup>c</sup> Ita miss. Remig. et Joliensis cum edit. Oper. S. August. Editii, aut quo judicio ea acceperim.

<sup>d</sup> Ms. Jol. solus, debueritis.

<sup>e</sup> Ms. Jol., adjuvante Deo.

## LIBER RESPONSIONUM.

### EXCERPTUM PRIMUM.

(Aug. lib. 1 de Prædest. Sanct. c. 3.) Jacob dilexi, Esau<sup>a</sup> autem odio habui. Ad hoc perduxi ratiocinationem, ut dicerem: Non ergo elegit Deus opera cuiusquam quæ ipse datus sit, sed fidem elegit in præ-

B scientia; ut quem sibi crediturum esse præsciret, b ipsum elegerit, cui sanctum Spiritum daret; ut bona operando etiam vitam æternam consequeretur. Nondum diligentius quæsieram, nec adhuc iuveneram qualis esset electio gratiæ.

ticulam.

<sup>a</sup> Ms. Joliensis, ipsum eliget.

<sup>b</sup> Ms. Joliensis addit autem, ut in loco libri de Prædest. Sanct. habetur. Editi non habebant hanc par-

## 243 EXCERPTUM II.

*Item verba ejusdem.*

(Ibid.) *Ac deinde subjunxi : Quod ergo credimus, nostrum est ; quod autem bona operamur, illius est qui creditibus dat Spiritum sanctum.*<sup>b</sup> *Quod profectio non dicerem, si jam scirem etiam ipsam fidem inter Dei munera repertiri, quæ dantur in eodem Spiritu (1 Cor. xii, 6).* *Utrumque ergo nostrum est, propter arbitrium voluntatis; utrumque tamen datum est, propter spiritum fidei et charitatis.*

## EXCERPTUM III.

*Item verba ejusdem.*

(Ibid.) *Ac per hoc, quod etiam postea dixi : Quia neque velle possumus, nisi vocemur ; et cum post vocacionem voluerimus, non sufficit voluntas nostra et cursus noster, nisi Deus et vires creditibus praebat, et perducat quo vocat ; ac deinde subjunxi : Manifestum est ergo non volentis, neque currentis, sed miserentis Dei esse quod bene operamur ; omnino verissimum est : sed parum de ipsa vocatione disserui, quæ sit secundum propositum Dei ; non enim omnium qui vocantur talis est, sed tantum electorum.*

## RESPONSO AD HÆC TRIA.

In his tribus capitulis, licet divisa sint<sup>a</sup> a disputacionis corpore, et eu ipso obscuriora sint facta, quod et præcedentibus, et mediis, et subsequentibus non evaherent; intelligendo tamen quod unam atque eamdem causam scriptor exsequitur, de eis loquens qui dicebant eum primo conversionis suæ tempore meliora sensisse, quando aestimabat, quod fides qua Christiani sumus, non esset ex gratia, nec ex dono haberetur Dei, sed esset ex ipso homine, et ex arbitrii libertate; modo autem errare eum, quia assereret ipsam fidem Dei esse donum, et ad hanc quoque pertinere quod dictum est (1 Cor. iv, 7) : *Quid autem habes quod non acceperisti? neque recte eum nunc electionem Jacob ad propositum Dei referre, quam prius ad præscientiam retulisset. Ad hanc ergo objectionem 244 respondet, se antequam cognosceret gratiae veritatem, et antequam regendæ præponeretur Ecclesiæ, in hac opinione ignoranter errasse : sed in ipso episcopatus sui exordio, & a sancte memoria Simpliciano Mediolanensi antistite, de Jacob electione et de Esau rejectione consultum, totam questionem ad hos geminos pertinentem, sagaciore diligentia ventilasse ; et omnibus ratiocinandi viribus hoc indubitanter agnoscuisse, quod electionem gratiae nulla merita humana*

<sup>a</sup> In ms. Joliensi in titulis Excerptorum, seu, ut alias editi præferabant, Dubiorum, hic et deinceps, *Item verba ejusdem.* Editi, *In verbis ejusdem.* Editio append. Oper. S. Aug. hæc prætermisit.

<sup>b</sup> Ms. Joliensis cum Lugd., Lovan. et Venet., omisso quod, *profectio non dicerem.*

<sup>c</sup> Ms. Jol., quæ dantur, ut in libro Augustini : editi omnes cum Remig., quæ datur, et paulo post idem. ms. Jol. addit. ergo.

<sup>d</sup> Editio omnes a disputatione corpora. Emendamus ex ms. Joliensi, cui suffragatur. ms. Remens. et edit. append. August.

<sup>e</sup> Ms. Jol., unam eamdemque.

<sup>f</sup> Editio append. August. ex ms. Remig., qui asse-

A präcedant, et quod fides, unde incipiunt omnia merita, donum sit Dei; ne gratia nou sit gratia (Rom. xi, 6), si aliquid eam propter quod tribuatur anteuenit. Itaque in eo quid dictum est, *Jacob dilexi, ostensum esse quid homini donaretur : et in eo quod dictum est : Esau autem odio habui (Rom. ix, 13), ostensum esse quid homini deberetur. Hoc autem se in libro Retractationum secundo suo opere studiose recoluisse (Cap. 1) : et cum omnes opiniones suas censoria gravitate discuteret, istam, quam obrectatores ejus eligunt, improbase, quam ante Pelagianæ heresis ortum futuro errori amicam esse prævidit, et revelata sibi gratiæ veritate rejecit. Quæ igitur ratio est, ut hanc viri hujus professionem non approbemus, qua nos ad castigandas opiniones nosiras, B si quas forte imprudenter incidimus, exemplo suæ correctionis instituit; <sup>b</sup> et qua docet a Deo nos accipere, quod ut accipiamus jubemur orare?*

Si enim consideremus Pelagianæ argumenta perfidiae, quid magis nititur obtinere quam ut videatur gratia Dei secundum merita nostra dari, ut in eo ipso in quo gratiam necessariam constitutur, meritis eam humanæ voluntatis enervet? Quam perversitatem omnino incurrit qui fidem ad Dei munera non putat pertinere : aut ideo eam se jactitat ad Deum referre, quia ab ipso sit creata natura, cui rationabilem inservit libertatem, per quam unusquisque et credere et non credere in sua habeat potestate; et de hoc naturali bono <sup>i</sup> quod nullis præcedentibus meritis, cum crearetur, accepit, cætera dona mereatur. Ille C autem qui asserit, fateur, credo, nobiscum quod in primo Adam omnium hominum natura vitiata sit; nec negat eam in illo lapsu suas amississe virtutes, quas nisi per gratiam recipiat, habere non possit. Quid est autem quod eidem naturæ solam fidem non vult esse præceptam, quam nisi primam amisisset, cæteris bonis omnibus non careret? Credendo enim Adam 245 diabolo, non creditit Deo : et cum spiritu superbie inebriatus esset, discessit a Domino cor eius; et factus est servus apostatae, dum liber vult esse justitiae. Cum itaque non haberemus continentiam, nisi Deus daret (Sap. viii, 21); nec haberemus dilectionem sanctam, nisi charitas Dei diffunderetur in cordibus nostris per Spiritum sanctum, qui datus est nobis (Rom. v, 5); cum postremo nemo haberet sapientiam et intellectum, consilium et fortitudinem, scientiam et pieatem, ac timorem Do-

reret.

<sup>g</sup> Antehac editi legebant, omissa præpositione : *sancæ memorie Simpliciano Mediolanensi antistite.... consulit.* Correctum ex ms. Remig. in edit. append. Aug. et a nobis ex ms. Joliensi. Quia certum est non Simplicianum ab Augustino, sed Augustinum a Simpliciano consultum, duas quæstiones ex Epistola Pauli ad Romanos tractandas suscepisse : quarum posterior est de Jacob electione et Esau rejectione. Petet ex epistola 37, tom. II nov. edit. Oper. Aug.

<sup>h</sup> Ms. Jolicensis, et quam docet. Sed minus recte, ut videtur.

<sup>i</sup> Editio, qui nullis : melius ms. Jol. et ex ms. Remig. append. Aug., quod nullis.

mini (*Ies. xi, 2*), nisi has virtutes Spiritus sanctus daret; quomodo fides in Adam perdita in quoquam filiorum ejus inveniretur, nisi eam idem Spiritus, qui omnia in omnibus operatur (*I Cor. xii, 6*), infundere? Unde si quod Adam perdidit posteritas non amisit, ipsum solum læsit peccatum ejus, et non genus humanum. Sed omnes in uno peccaverunt (*Rom. v, 12*), et prævaricationis merito tota ejus propaganda est. Omnes igitur quod Adam perdidit perdiderunt. Perdidit autem primitus fidem; quam omnes, quia primum potuimus amittere, primam <sup>a</sup> egemus accipere. Placeat ergo nobis hæc gratiæ prædicatio, qua fides donum Dei esse defenditur; et in nullo nobis <sup>b</sup> poterit Pelagianus error illudere, qui, ut gratiam persuadeat debitam, fidem non vult esse donatam. Quia ergo <sup>c</sup> nec justa, nec rationabilis intelligitur eorum suisse persuasio, qui hujus viri scientiam tot incrementorum profectibus ædificatam, tot annorum studiis expolitam, ad adolescentiæ rudimenta revocabant, ut magis suffragaretur hæreticis quod inter initia conversionis suæ imperie senserat, quam prodesset catholicis quod pontificali diligentia veritas revelarat; merito illos hoc præjudicio utentes, et in his quæ dudum abdicata fuerant immorantes, pii doctoris gravitas notat; quod qui curaverunt omnes sensus ipsius indagare, noluerint cum ejus eruditio proficere.

Sed jam consideremus quale sit, quod de subsequentibus annotatis.

#### EXCERPTUM QUARTUM.

(*Ibid. c. 5, n. 10.*) *Non quia credere vel non credere, non est in arbitrio voluntatis humanæ, sed in electis præparatur voluntas a Domino.*

#### RESPONSIUS.

Jungamus quod sequitur, ut quod propositum est de connexo sermone sit clarius. *Ideo ad ipsam quoque fidem <sup>d</sup> que in voluntate est pertinet,* **246** *Quis enim te discernit?* *Quid autem habes quod non acceperisti (*I Cor. iv, 7*)?* *Multi audiunt verbum veritatis: sed alii credunt, alii contradicunt.* *Volunt ergo isti credere, nolunt autem illi.* *Quis hoc ignoret? quis hoc neget?* *Sed cum aliis præparetur, aliis non præparetur voluntas a Domino,* <sup>e</sup> *discutiendum est utique quid veniat de misericordia, quid de iudicio.* *Quod querebat Israel, hoc non est consecutus, electio autem consecuta est, cæteri vero excæcati sunt, sicut scriptum est (*Isaiæ vi, 9*),* *Dedit illis spiritum compunctionis, oculos ut non videant, et aures ut non audiant usque in hodiernum diem.* *Et David dicit (*Psal. lxviii, 23*), Fiat*

<sup>a</sup> *Editi, primam habemus accipere.* Ms. Jol., *egemus accipere*, cum edit. append. Aug. ex ms. Remig.

<sup>b</sup> *Editiones omnes, potuerit.* Ms. Jol., *poterit*, et ex Remig. edit. August. append.

<sup>c</sup> *Edit. Duac. et Colon.* omiserunt hæc, *nec justa.*

*Reliqui codices non omiserunt.*

<sup>d</sup> *Ms. Jol. non habet, quæ in voluntate est.*

<sup>e</sup> *Sic editi omnes et mss. Remig. et Jol. Apud Augustinum vero legitur, discernendum: quod pro conjectura in margine notarunt omnes editiones, et in fortius etiam legitur in eundem sensu.*

<sup>f</sup> *Editi, Ecce misericordiam et iudicium: miseri-*

*mensa eorum in laqueum, et in venationem, et in scandalum, et in retributionem illis: obscurentur oculi eorum, ne videant, et dorsum eorum semper incurva (*Rom. xi, 7*). <sup>g</sup> *Ecce misericordia et iudicium: misericordia in electionem, quæ consecuta est justitiam Dei; iudicium vero in cæteros, qui excæcati sunt: et tamen illi quia voluerunt crediderunt; illi quia noluerunt, non crediderunt.* *Misericordia igitur et iudicium in ipsis voluntatibus facta sunt.* <sup>h</sup> *Electio quippe ista gratia est, non utique meritorum.* *Superius enim dixerat,* *Sic enim in hoc tempore reliquia per electionem gratia salve factæ sunt.* *Si autem gratia, jam non ex operibus, alioquin gratia jam non est gratia (*Rom. xi, 5*).* <sup>i</sup> *Gratis ergo consecuta est quod consecuta est electio.* *Non præcessit eorum aliquid quod priores darent, et retribueretur illis: pro nihilo <sup>j</sup> salvos fecit eos (*Psal. lv, 8*).* *Cæteris autem qui excæcati sunt, sicut ibi non tacitum est, in retributione factum est.* *Universæ viæ Domini misericordia et veritas (*Psal. xxiv, 10*).* *Investigabiles sunt autem viæ ipsius (*Rom. xi, 33*).* <sup>k</sup> *Investigabilis igitur misericordia qua gratis liberat, et veritas qua juste iudicat.**

Hæc omnia apud pium catholicumque lectorem, quid offendit pariunt? quid contradictionis incurunt? Numquid falsum est, <sup>l</sup> quod præparatur voluntas a Domino (*Prov. viii, sec. LXX*)? Numquid non quotquot Spiritu Dei aguntur, hi filii sunt Dei (*Rom. viii, 14*)? Numquid hominem ab homine natura discernit, ac non potius gratia ab infidei fidelem? Numquid potest ullus dicere habere se quod non accepit, aut quasi de non accepto sed proprio gloriari; quod si non accepisset, utique non habere? Numquid debium est, cum verbum veritatis prædicatur, alios voluntate credere, alios voluntate non credere? Sed cum illorum cor Deus aperuerit, illorum autem non aperuerit, discernendum est quid veniat de misericordia, quid de iudicio. Post commemorationem autem apostolicæ sententiae (*Rom. xi, 7*), quam propheticis testimonii astruit quod justitiam Dei, quam **247** *Israel querens consecutus non est, electio sit consecuta per gratiam, cæteris ex retributione excætis, numquid non verissime dictum est: Ecce misericordia et iudicium: misericordia in electionem quæ consecuta est justitiam Dei; iudicium vero in cæteros, qui excæcati sunt?* Et paulo post: <sup>m</sup> *Gratis ergo consecuta est, quod consecuta est electio.* *Non præcessit aliquid eorum quod priores darent, et retribueretur illis: pro nihilo salvos fecit eos.* Cæteris autem qui excæcati sunt, sicut ibi non tacitum est, in

*cordia in electione.* Emendamus ex libro Augustini: per vocem enim electionis, electos intelligit, non actum quo elegit Deus.

<sup>n</sup> *Ita mss. Joliensis et Remig. cum edit. August., ubi cæteri codices, Electio quippe istis.*

<sup>o</sup> *Sola edit. append. Aug. Gratia ergo.*

<sup>p</sup> *Nic addiur enim in edit. Lovan., Duac. et Colon.*

<sup>q</sup> *In libro ipso Aug., Investigabiles igitur sunt et misericordia, etc. Favet ms. Remig. ubi habetur vox hæc, Investigabiles, et locus ipse, ut repetitur infra.*

<sup>r</sup> *Ms. Remig. Quod præparatum est ita a Domino.*

*retributione factum est. Quis hic locus querimoniae nisi apud inimicos gratiae; qui nisi ad retributionem referatur quod gratis datur, ad iniquitatem volunt pertinere quod redditur? Deinde quod de prophetiis intulit verbis, universæ viæ Domini misericordia et veritas (Psal. xxiv, 10), quis negavit? Aut quod de apostolico annexuit sensu (Rom. xi, 33), Investigabiles sunt autem viæ ipsius? Investigabiles igitur sunt, et misericordia qua gratis liberat, et veritas qua justè judicat. Non est ergo sanarum mentium ista reprehendere; et investigabiles vias Domini, hoc est, dona misericordiae et judicia veritatis Pelagianorum elationi penetrabilia deputare. Quia secundum ipos non latet consilium Dei, nec in occulto est divina ratio voluntatis, si erga omnem hominem tam gratia Dei quam et ira de merito est.*

Post hæc posuistis quod infra dictum est.

#### EXCERPTUM QUINTUM.

(Ibid. c. 8, n. 4.) *Fides igitur et inchoata, et perfecta, donum Dei est: et hoc donum quibusdam dari, quibusdam non dari non dubitet qui non vult manifestissimis sacris litteris repugnare.*

#### RESPONSIO.

Hoc qui non recipit, cuius videtur esse sententiae, nisi dicentis: *Fides per quam justificor, ex me est; et hoc honum, ex quo justus vivit (Habac. ii, 4), non accepi per gratiam, sed habeo per naturam?* Si ergo fides donum Dei non est, frustra Ecclesia pro non credentibus orat, ut credant, et sufficit impiis magisterium legis adhiberi, de qua dictum est (Gal. ii, 21). *Si ex lege est justitia, ergo Christus gratis mormans est: quod similiter dici potest etiam de natura.* Frustra etiam Apostolus (II Thess. ii, 12) gratias agit Deo pro his qui Evangelium receperunt, cum hoc secundum Pelagianos non Dei sit præstrium munere, sed ex sola habeatur hominum voluntate; et frustra quibusdam precatur idem Apostolus (Ephes. vi, 23), ut sit eis pax et charitas sum fide, a Deo Patre et Domino Iesu Christo, ut jam non solum de fide, sed etiam pace et charitate, superbia hereticorum convincatur dicere, **248** de proprio se has habere virtutes. Quod si hæc ex homine sunt, quid obest ut non ex seipso habeat et cætera bona quæ inferiora sunt; cum audeat sibi deputare quæ summa sunt, et sine quibus alia, quamvis multa et clara, non prosunt? Non potest itaque merito refutari quod dictum est: *Fides igitur et inchoata, et perfecta, donum Dei est: quia eadem et Apostoli vox est dicentis (Ephes. ii, 8): Gratia salvi facti estis per fidem; et hoc non ex vobis, Dei enim donum est; non ex operibus, ne forte quis extollatur;* et (Philip. i, 29): *Vobis donatum est pro Christo, non solum ut in eum*

<sup>a</sup> Editi, quam et ira merito est. MSS. Jol. et Remig. ex quo correctum in Aug. ut in textu posuimus.

<sup>b</sup> Edit. Venet., non dubitet.

<sup>c</sup> Editi Lovan., Duac. et Colon. hæc habent in plurali, qui gloriantur non in suis meritis, quæ paria vident esse dannatis, sed in Domino gloriantur. MSS. Jol. et Remig. cum edit. August., Lugd. et Venet.,

A creditis, sed etiam ut patiamini pro eo: et iterum (Hebr. xii, 1): *Per patientiam curramus ad propositum nobis certamen, aspicientes in auctorem fidei, et consummatorem Jesum. Quibus et plurimis aliis testimoniis divinarum Scripturarum indubitanter agnoscitur quoniam, sicut ab hoc viro definitum est, Fides et inchoata, et perfecta, donum est Dei; et hoc donum, inquit, quibusdam dari, quibusdam non dari, omnino<sup>b</sup> non dubitet, qui non vult manifestissimis sacris litteris repugnare;* non putemus hoc veraciter dictum, si omnes homines fideles sunt: sed cum alii credant, alii vero non credant, dicatque Apostolus (II Thess. iii 2), *Non enim omnium est fides;* quis non videat alidem, quam acceperunt qui habent, non accepisse qui non habent?

B

#### EXCERPTUM SEXTUM.

(Ibid.) Deinde ait: *Cur autem non omnibus detur, fidem movere non debet, qui credit ex uno omnes esse in condemnationem (Rom. v, 12) sine dubitatione justissimam; ita ut nulla esset Dei justa reprehensio, etiam si nullus inde liberaretur. Unde constat magnam esse gratiam quod plurimi liberantur, et quid sibi debetur in eis qui non liberantur, agnoscent; ut<sup>c</sup> qui gloriatur, non in suis meritis, quæ paria videt esse damnatis, sed in Domino glorietur. Cur autem istum potius quam illum liberet, inscrutabilia sunt judicia ejus, et investigabiles viæ ipsius (Rom. xi, 34). Melius enim et hic<sup>d</sup> audimus aut dicimus: O homo, tu quis es qui respondeas Deo (Rom. ix, 20)? quam dicere audeamus, quasi neverimus quod occultum esse voluit, qui tamen aliquid injustum velle non potuit.*

C

#### RESPONSIO

Hæc omnia si non recte dicta sunt scrutabilia sunt iudicia Dei, et investigabiles viæ ejus; nec occultum est quare ille potius quam iste salvetur; et in se non in Domino gloriabitur, qui, aliis vitio suo pereuntibus, electione dignus inventus est. Ac sic justitia quidem erit quod plurimi damnantur: sed non **249** erit gratia quod plurimi liberantur. <sup>e</sup> Absit hæc a catholicis corribus, absit talis impietas, ut quemquam putemus meritis suis erui de potestate tenebrarum, et in regnum Filii Dei debita, non gratuita, adoptione transferri. Magno peccato periret Adam, et in illo omnes perierunt. <sup>f</sup> Quia omni homini damnata nativitate genito, hoc in Adam debetur ut pereat. Et sicut non possumus conqueri de eo quod in præteritis sæculis dimisit omnes gentes ingredi vias suas: ita justam non haberemus querelam, si cum eis, cum quibus nobis fuit causa communis, cessante adhuc gratia, periremus. Quæ tamen sicut tunc de omni mundo eruit paucos; ita nunc de universo genere hominum salvat innumeratos, non secundum opera nostra, sed se-

in singulari exhibent.

<sup>d</sup> In mss. Remig. et Joliensi, audiemus, nec adidunt, aut dicimus.

<sup>e</sup> Sic ms. Joliensis. Alii, Absit hæc, etc.

<sup>f</sup> Ms. Joliensis, Quia omni homini damnata nativitate in genitore, hos est, in Adam, debetur.

cundum suum propositum, et gratiam quæ data est A nobis in Christo Jesu, ante tempora æterna (II Tim. 1, 9).

Subnexuistis etiam quod post multa disserens ait.

#### EXCERPTUM SEPTIMUM.

(Ibid. c. 16, n. 2.) *Est ergo in malorum potestate peccare : ut autem peccando hoc vel hoc illa malitia faciant, non est in eorum potestate, sed Dei dividentis tenebras, et ordinantis eas : ut hinc etiam quod faciunt contra voluntatem Dei, non impleatur nisi voluntas Dei.*

#### RESPONSO.

Quod cum sit apertissimæ veritatis, miror inter obscura decerpsum : quasi non ex coherentibus potuerit omnis hæsitatione lectoris absolvı. Inspicite ergo quod sequitur (Ibid.) : *Legimus, inquit, in Actibus Apostolorum (Act. iv, 13 et seq.), quod cum dimisssi a Judæis apostoli venissent ad suos, et indicassent quanta eis sacerdotes et seniores fecerunt, levaverunt illi vocem unanimes omnes ad Dominum, et dixerunt, Domine, tu es qui fecisti cælum et terram, et omnia quæ in eis sunt, qui per os patris nostri David sancti pueri tui dixisti : Quare fremuerunt gentes, et populi mediati sunt inania ; astiterunt reges terræ, et principes conenerunt in unum, adversus Dominum et adversus Christum ejus (Psal. ii, 2)? Convenerunt enim in veritate, in civitate ista adversus sanctum puerum tuum Jesum quem unxi, Herodes et Pilatus, et populus Israel, facere quanta manus tua et consilium prædestinavit fieri. Si ergo quæ per os patris nostri David Spiritus sanctus prophetavit, aliter intelligi ullo modo quam ab apostolis sunt intellecta 250 non possunt, et Herodes ac Pilatus et populus Israel fecerunt quanta manus Dei et consilium prædestinavit fieri ; quid inconveniens ait admirabilis disputation? Est, inquiens, in malorum potestate peccare : ut autem peccando hoc vel hoc illa malitia faciant, non est in eorum potestate, sed Dei dividentis tenebras et ordinantis eas : ut hinc etiam quod faciunt contra voluntatem Dei, non impleatur nisi voluntas Dei.*

<sup>a</sup> Ms. Joliensis, indicassent eos quanta illis. In eodem desunt hæc, in veritate, legiturque infra, *Pontius Pilatus.*

<sup>b</sup> MSS. Remig. et Jol., *Mala enim velle.*

<sup>c</sup> Editi, traditorum. Melius Remigianus codex, traditoris.

<sup>d</sup> In edit. August. ex ms. Remensi, datum de-super.

<sup>e</sup> Editi, ipsorum. Melius mss. Jol. et Remig., et ex hoc Aug. editio, ipsarum, scilicet tenebrarum.

A toris Judæ et Judæorum voluntate completam : et qui in evangelicis paginis legit, dicente Pilato ad Jesum (Joan. xix, 10) : *Nisi loqueris? Nescis quia potestatem habeo crucifigere te, et potestatem habeo dimittendi te?* respondisse Dominum, *Non haberes in me potestatem ullam, nisi esset tibi a data de-super.* Dividit itaque Deus inter lucem et tenebras : nec ideo inculpabiles sunt tenebrae, quia eis bene utitur Deus, qui etiam de opere ipsarum, quod filii lucis in bonum procederet, ordinavit : tantum progredi sinens malitiam nocere cupientium, quantum eam sanctis suis vel castigandis novit utilem, vel probandis ; ut hinc etiam quod faciunt contra voluntatem Dei, non impleatur nisi voluntas Dei.

Sequitur deinceps quod in libro inventur secundo.

#### EXCERPTUM OCTAVUM.

(Ibid. c. 14, n. 35) *An quisquam dicre audibit Deum non præscisse quibus esset datus ut crederent, aut quos datus esset Filio suo, ut ex eis non perderet quemquam (John. xviii, 9)? Quæ uique si præscivit, profecto beneficia sua quibus nos dignatur liberare præscivit. Hæc est prædestinatio sanctorum, nihil aliud : præscientia scilicet, et præparatio beneficiorum Dei, quibus certissime liberantur quicumque liberantur. Cæteri autem, ubi, nisi in massa perditionis justo di-vino judicio relinquuntur, ubi Tyrii relicti sunt et Sidonii, qui etiam credere potuerunt. 251 si mira illa Christi signa vidissent (Math. xi, 21) : sed quoniam ut crederent non eis erat datum, etiam unde crederent est negatum.*

#### RESPONSO.

Qui istis resistunt, hoc sentire apertissime probantur, quod fides non sit donum Dei ; et quod gratia non præveniat liberum arbitrium, sed sequatur ; et quod gratia Dei secundum merita nostra detur. Nam si aliquid conserfi homini per gratiam contentur, et id non accipit nisi fides, quæ accepta non est ; in ipsa est meritum, cui non donum datur, sed debitum redditur. In hac sententia positi, consequenter sapiunt eos esse prædestinatos in vitam æternam, quos per liberæ voluntatis arbitrium fideles futuros præscribit Deus ; ut ipsa electorum prædestinatio non sit nisi retributio : atque ita in his qui prædestinati sunt secundum propositum ejus qui universa operatur, non operetur Deus fidem ; nec illa sint hominis merita, si Deus operatur uni-versa. Vere qui ista sentiunt, fidem non acceperunt, aut quam acceperant perdiderunt, sequendo

qua voce quidem malos intelligit ; sed cum allusione ad tenebras ipsas quarum filii dici possunt.

<sup>f</sup> In edit. Ven. et Lugd., *Hæc est prædestinatio sanctorum, nihil aliud, præscientia scilicet.* Idem præfert ms. Joliensis. Aliæ editiones, *Hæc prædestinatio sanctorum nihil aliud est quam præscientia scilicet.*

<sup>g</sup> Edit. Ven. et Lugd., *sed quomodo.*

<sup>h</sup> Ms. Joliensis omittit hanc vocem, vere.

vanissimam Pelagianorum superbiam, et in se, <sup>a</sup> non in Domino, gloriando, qui operatur omnia in omnibus (I Cor. XII, 6), bona profecto, non mala : et si omnia bona, utique et fidem, sine qua nemo potest placere (Hebr. XI, 6), et quae est virtutum omnium fundamentum. Quale est autem, ut cum Dei sit ædificatio, et nisi Dominus ædificaverit domum, in vanum laborent qui ædificant eam (Psalm. CXXVI, 1) ; aut nolint isti fundamentum ad ædificium pertinere, aut se velint inchoare quod Dominus possit exstruere? Non erit ergo illis principium Filius Dei, non fundabuntur in ipso angulari lapide Christo Iesu, nec de eis dictum est : Firmum autem fundamentum Dei stat (II Tim. II, 19) : quia <sup>b</sup> totam electionem suam solubili arenæ et succiduo cineri superponunt.

Agnoscamus itaque sapienter, pieque fateamur, præscisse incommutabiliter Deum quibus esset datus ut crederent, aut quos datus esset Filio suo, ut ex eis non perdoret quemquam : et si hæc præscivit, beneficia sua illum quibus nos dignatur liberare præscisse ; et banc esse prædestinationem sanctorum, <sup>c</sup> præscientiam scilicet et præparationem gratiæ Dei, qua certissime liberantur. <sup>d</sup> Cæteros autem quicunque non liberantur, quos a generali perditione humani generis **252** gratia non exemit, justo noverimus judicio non exemptos : et quid nobis remissum sit, in eis discamus de quorum queri damnatione non possumus. Non est enim iniurias apud Deum (II Par. XIX, 7), neque quisquam sub judicio ejus innocens perit. Sicut enim hic ipse insignis gratiae præparator alibi ait (Aug. lib. de Grat. et Lib. Arb. cap. 23) : <sup>e</sup> Reddit omnino Deus et mala pro malis, quoniam justus est ; et bona pro malis, <sup>f</sup> quoniam bonus est ; et bona pro bonis, quoniam justus et bonus est : tantummodo mala probuis non reddit, quoniam injustus non est. Reddit ergo mala pro malis, pœnam pro injustitia ; et reddit bona pro malis, gratiam pro injustitia ; et reddit bona pro bonis, gratiam pro gratia. Cum aliqui percunt, non dubitemus ipsorum meritis deputari quod perirent ; quos utique posset Deus misericorditer liberare, si vellet. <sup>g</sup> Et cum aliqui liberantur, non audeamus definire, quod digni fuerint liberari ; quos utique posset Deus juste damnare, si vellet. Quare autem non omnes, aut quare illos potius <sup>h</sup> quam illos liberet, nec necessarium est quærere, nec possibile reperire ; cum, omissis discretionis istius causis, scire sufficiat quod nec misericordia justitiam, nec

**A** justitia auferat misericordiam apud eum a quo nemo nisi juste damnatur, nemo nisi misericorditer liberatur.

De Tyriis vero et Sidoniis quid aliud possumus dicere, quam non esse eis datum ut crederent, quos etiam credituros fuisse ipsa Veritas dicit, si talia qualia apud non credentes facta sunt virtutum signa vidissent (Matth. XI, 21; Luc. X, 13)? Quare autem hoc eis negatum fuerit, dicant, si possunt, qui calumniantur : et ostendant cur apud eos Dominus mirabilia, quibus profutura non erant, fecerit, <sup>i</sup> et apud eos quibus erant profutura non fecerit. Nos etiam si ratione facti, et profunditatem judicii ejus penetrare non possumus, manifestissime tamen scimus, et verum esse quod dixit,

**B** et justum esse quod fecit ; et non solum Tyrios et Sidonios, sed etiam Corozain et Bethsaïda potuisse converti, et fideles ex infidelibus fieri, si hoc in eis Dominus voluisset operari. Neque enim ulli falsum videri potest quod Veritas ait : Nemo potest venire ad me, nisi fuerit ei datum a Patre meo (Joann. VI, 66) ; et (Matth. XIII, 41) : Vobis datum est nosse mysterium regni cælorum, illis autem non est datum ; et (Ibid. XI, 27), Nemo novit Filium, nisi Pater, neque Patrem quis novit, nisi Filius, et cui voluerit Filius revelare ; et (Joan. V, 21), Sicut Pater vivificat mortuos, ita et Filius quos vult vivificat : et (I Cor. XI, 3), Nemo potest dicere **253** <sup>k</sup> Dominum Iesum, nisi in Spiritu sancto. His divinarum vocum auctoritatibus eruditæ gratias agamus Deo, qui dedit nobis

**C** spiritum fidei et virtutis, continentiae et charitatis, sapientiae et intellectus, consilii et fortitudinis, scientiae et pietatis, ac timoris sui. Quæ bona si non dedi-set nobis, qui omnia operatur in omnibus (Ibid.), prorsus non haberemus in nobis : et cum his, qui non cognoverunt Dominum, aut cum cognovissent, non sicut Deum glorificaverunt, aut gratias eggerunt, sed hoc ipsum suæ sapientie, depulantæ stulti facti, <sup>l</sup> et obscurato corde evanuerunt in cogitationibus suis (Rom. I, 21) ; cum his, inquam, sederemus in tenebris et in umbra mortis, nec querelam habentes de pœna, nec excusationem de ignorantia, nec praesidium de natura.

<sup>m</sup> Nunc jam quod sequitur quale sit videamus.

#### EXCERPTUM IX.

**D** (Aug. lib. III de Dono Persever. cap. 16.) Sed aiunt, ut scribitis, neminem posse corruptionis stimulis excitari, si dicatur in conventu Ecclesiæ audientibus multis : Ita se habet de prædestinatione definita

et sic de cæteris partibus hujus sententiae.

<sup>n</sup> Ms. Joliensis cum edit. Lugd., et cum aliis.

<sup>o</sup> Ms. Joliensis, quam istos. Reliqui, quam illos.

<sup>p</sup> Haec verba, et apud eos quibus erant profutura non fecerit, quæ omittebantur in editis omnibus, restituta habes ex ms. Joliensi, et antea ex ms. Remigiano in append. August.

<sup>q</sup> Ms. Joliensis, regni Dei.

<sup>r</sup> Ms. Joliensis, Dominus Jesus.

<sup>s</sup> Ms. Joliensis, et obscurati corde.

<sup>t</sup> Ms. Joliensis, Nunc etiam.

\* sententia voluntatis Dic, ut alii ex vobis <sup>b</sup> de infidelitate, accepta obediendi voluntate, veneritis ad fidem, vel accepta perseverantia, permaneatis in fide; ceteri vero qui in peccatorum delectatione remoramini, ideo nondum surrexistis, quia necdum vos adjutorium gratiae miserantis erexit. Verumtamen si qui estis nondum vocati, quoniam gratia sua prædestinaverit eligendos, accipietis eamdem gratiam qua velitis et sitis electi; et si qui obeditis, si prædestinati estis rejiciendi, subtrahentur <sup>c</sup> obediendi vires, ut obediere cessetis.

## RESPONSO.

Stupeo sanctitatem vestram, objectionem calumniantum a persona defensoris gratiae non potuisse discernere, et verba obrectantium ei ipsi qui obrectatoribus suis respondet aptasse. Hæc enim doctrina catholici viri quidam nequiter et nugatorie jactabant, quod qui talem Dei gratiam prædicaret, ut fides et obedientia, ceteraque virtutes, et in eis usque in finem perseverantia, non nisi ex dono Dei haberi posse credantur; consequens esse ut talibus verbis uteretur ad populum, et hujusmodi denuntiationibus omnem liberi arbitrii evitaret industrias. Quod quia piissimus doctor litteris corum ad quos scribit agnoverat, <sup>d</sup> ideo 254 dicit, Sed aiunt, ut scribitis; et postea, Ista cum dicunt. Ex hoc potuistis advertere, non ipsum hæc dicere, sed eos de quibus dixit: Sed aiunt, ut scribitis; et, Ista cum dicunt. Quod similiter et Apostolus ait (Rom. v, 8): Sicut aiunt nos quidam dicere, Faciamus mala, ut veniant bona. Inferius autem, ubi plenius ad ista respondet, multo manifestius patet <sup>e</sup> quam hæc ab ipso numquam taliter dicta sint, et quantum ei hujusmodi prædicationis forma displiceat; quam corrigens et mundans atque emendans, tolerabiliorum audientibus facit; quæ vera sunt temperans, quæ falsa sunt resecans, et post multa adjiciens (Idem lib. de Dono Persever. cap. 22): Jam vero quod illis verbis <sup>f</sup> connectitur, miror si ullo modo potest in populo Christiano quoquam infirmus patienter audire, cum dicitur eis, Et si qui obeditis, si prædestinati estis rejiciendi, subtrahentur obedientia vires, ut obediere cessetis. Hoc enim dicere, quid videtur aliud esse quam maledicere, aut mala quodam modo prophetare? Et post hæc cum diceret qualiter de his loquendum esset in populo, proprii sensus verba connexuit dicens (Ibid.): Illum etiam modum, quo <sup>g</sup> utendum esse in prædestinationis prædicatione nos diximus, loquenti ad po-

<sup>a</sup> Editi, scientia. MSS. Jol. et Remig. cum Aug. libro, sententia.

<sup>b</sup> Hæc verba, de infidelitate, absunt a MSS. Jol. et Remig.; leguntur in editis omnibus, et in libro S. August de Dono Persever.

<sup>c</sup> Edit. Venet. et Lugdun., obedientia vires.

<sup>d</sup> Sic ms. Jol. Alias editi, ideo ait.

<sup>e</sup> Ms. Joliensis, quod hæc ab ipso.

<sup>f</sup> Ms. Jol., annexatur.

<sup>g</sup> Edit. Lov., Duac. et Colon. habebant, si prædicti estis. MSS. Jol. et Remig. cum Lugd., Venet. et edit. Aug., prædestinati estis.

<sup>h</sup> MSS. Jol. et Remig. cum Lugd., subtrahuntur, et anteac, codex Joliensis obeditis.

<sup>i</sup> Ms. Jol., utendum esset loquendo ad populum.

A pulum non existimo debere sufficere, nisi hoc vel aliquid hujusmodi addat, ut dicat: Vos itaque etiam ipsam obediendi perseverantiam a Patre luminum, a quo descendit omne datum optimum et omne donum perfectum (Jac. 1, 17), sperare debetis, et quotidianis orationibus poscere: atque hoc faciendo confidere non vos esse a prædestinatione populi ejus alienos; i quia etiam hoc, ut facias, ipse largitur. Absit autem a vobis ideo desperare de vobis, quoniam spem vestram in ipso habere jubemini, non in vobis. Maledictus enim omnis qui spem habet in homine (Jerem. xvii, 5); et, Bonum est confidere in Domino <sup>k</sup> quam confidere in homine (Psalm. cxvii, 8); <sup>l</sup> quoniam beati omnes qui confidunt in eum. <sup>m</sup> Hanc spem tenentes, servite Domino in timore, et exultate ei cum tremore (Psalm. ii, 11). Quoniam de vita eterna, quam filii promissionis promisit non mendax Deus ante tempora eterna, nemo potest esse securus, nisi consummata fuerit ista vita, quæ tentatio est super terram; sed <sup>n</sup> faciet nos perseverare in se usque ad hujus vitæ finem, cui quotidiæ dicimus: Ne nos inferas in temptationem (Matth. vi, 13).

Videlicet, obsecro, quantum distet hic sermo ab eo quem composuit malignitas obloquentium; qui studuerunt etiam ea quæ 255 recte dicit exquisita verborum fraude corrumpere? De quo <sup>o</sup> idem doctor recitissime ait (Aug. lib. de Dono Persever. c. 22): Dolosi autem vel imperiti medici est, etiam utile medicamentum sic alligare, ut aut non prospicit, aut obicit. Et iterum de simili ineptia (Ibidem): Nempe, inquit, hoc verissimum est: ita sane, sed improbissimum, importunissimum, incongruentissimum; <sup>p</sup> non falso eloquio, sed non salubriter valetudini humanæ infirmitatis apposito. Non igitur necesse est de his rationem reddere, quæ et ab aliis dicta, et ab ipso ostendamus improbata; ita tamen, ut nihil sibi per falsorum admixtionem præiri pateretur ex veris. Quamvis enim numquam tam insipiente locutus sit ad populum Christianum, et id quod mendax obrectatio ineptissime linxit <sup>q</sup> horruerit; pia tamen constantique doctrina abundantanter probavit, prædicandam esse Ecclesiæ et prædestinationem, in qua est gratia 256 præparatio; et gratiam in qua est prædestinationis effectus; et præscientiam Dei, qua ante sæcula eterna quibus esset collatus sua dona præscivit. Cujus prædicationis quisquis est impugnator, aper-tissimus est Pelagianæ elationis adjutor.

Hoc autem quod in fine posuistis, superiori ca-

Aug. lib. de Dono Persever., apud populum.

<sup>j</sup> Ms. Jol., qui etiam hoc.

<sup>k</sup> In ms. Jol. desunt hæc, quam confidere in homine.

<sup>l</sup> Editi, quia beati. MSS. Jol. et Remig. cum Venet., quoniam beati. Lugd., quam beati.

<sup>m</sup> Edit. Lov., Duac. et Colon., Et hanc spem.

<sup>n</sup> Ms. Jol. et Remig., faciet nos perseverare. Abest vox hæc, nos, ab editis.

<sup>o</sup> Ms. Joliensis, idem auctor.

<sup>p</sup> Ita ms. Jol. et Remig. cum edit. Oper. August. Editi vero nostri omnes, non falsum eloquio, sed non salubriter valetudini humanæ infirmitatis appositorum.

<sup>q</sup> Ms. Joliensis, inhorruerit.

<sup>r</sup> Editores Lovanienses, et qui hos sunt secuti

pitulo, ubi Tyriorum et Sidoniorum mentio facta est, debuit copulari; quia etiam in libri corpore eidem causæ, sine cuiusquam diversæ disputationis interjectione, connexum est. Unde et responsio, quam præcedentibus subdidi, potest etiam ad ista suffi-

hic in margine observant quod quibus respondet hoc libro. S. Prosper aliquid posuerant quod hic non ponitur, ex cap. 14 libri de Dono Perseverantiae Augustini, et hoc sic incipiebat, *Ex quo apparebat habere*

A cere, in quibus nulla est obcuritas, si de fide predestinationis et gratia Dei, ex qua est omnium bonorum origo, perseverantiaque meritorum, hoc tenetur quod habet veritas.

*quosdam in ipso ingenio, etc.*

<sup>a</sup> Editii habebant ad istas, errore manifesto, commendatur ex mss. Joliensi, et ex Remig.; emendatus fuerat in edit. Aug.

## ADMONITIO

IN LIBRUM CUI TITULUS,

PRÆTERITORUM SEDIS APOSTOLICÆ EPISCOPORUM AUCTORITATES

De Gratia et Libero voluntatis Arbitrio.

*Epistolæ Cœlestini papæ ad episcopos Galliarum per Prosperum et Hilarium transmissæ subjici solet collectio quædam anteriorum editis apostolicæ pontificum auctoritates de gratia et libero arbitrio complexa: cui interseruntur etiam nonnulla ex Africanis conciliis hac de re statuta, a Romanis pontificibus approbata. Quæ quidem in hunc usum destinata non dubitatur, ut Semipelagianis, qui solis sedis apostolicæ decreta se manus datus erant professi, esset responsum. Huic vero collectioni hunc titulum imposuerunt: Præteriorum sedis apostolicæ episcoporum auctoritates (seu sententiæ), de gratia Dei et libero voluntatis arbitrio. Ab aliis quoque vocatur hoc opusculum: Regulæ apostolicæ sedis, quomodo designatur in ultimo capitulo; denique Compendiosus indiculus dicitur in præfatiuncula, citaturque ab aliis sub nomine Decretorum, vel Epistolæ Cœlestini papæ ad Gallos; ab aliis Capitula generaliori vocabulo appellatur. Quod quidem opusculum sub Cœlestini nomine citatum legitur in eunte sexto saeculo. Nam pontificis istius decretis annexum est a Dionysio Exiguo, et circa idem tempus a Petro diacono aliquis qui in causa fidei ex Oriente Romam missi sunt, libro de Incarnatione et Gratia D. N. Iesu Christi, ad Fulgentium, capite octavo, et nono, tamquam Cœlestianæ epistole ad Gallos pars quædam citatum reperitur. Exin a Cresconio episcopo Africano in fine suæ collectionis canonum circa annum Christi 690 emissæ, eidem pontifici ascriptum legitur. Tum denique posterioribus saeculis a Floro magistro, Ecclesiæ Lugdunensis nomine scrivente adversus Scotum Eriegenam; ab Hincmaro Remensi, lib. de Prædestin. cap. 22; Lupo Ferrariensi abbe in Collectanea quæst. 2; Remigio Lugdunensi, in libro de Tribus Epistolis cap. 23; Yvone Carnot. et aliis plurimis hæc Capitula Cœlestino papæ inveniuntur suisse adjudicata.*

*His omnibus testimoniosis abunde probatum videbatur hocce opusculum Cœlestini esse agnoscendum. Quæ tamen opinio toti conjecturis obviabitibus impugnat, ut ab omnibus sere criticis jam ab ea discessum esse agnoscamus. Et 1<sup>o</sup> quidem ex stylis eorum disparitate, ab eo qui in epistola Cœlestini eluet, ejusdem esse negatur. 2<sup>o</sup> Judices advocant Joannes Vuendelinus, qui codicem Canonum et Decretorum Pontificiorum editiū Moguntia anno 1525; Crabius qui anno 1538 prioris censuram aliquo modo temperatan in Conciliorum Collectionibus transcripsit; item alii qui idem præstarunt, Surius anno 1551, et Nicolinus anno 1581. Cœlestino pariter abjudicant eminentissimi doctissimique cardinales Antonius Carafa, et Caesar Baronius, quibus additum Franciscum Suaresium in Prolegom. 6 de Gratia, cap. 1, num. 11; Jacobum Sirmondum in notis ad tom. I Concil. Gallie, et Gerardum Vossium lib. I Hist. Pelag. cap. 3, qui tamen ultimus partim Cœlestini, partim Gallorum S. Augustini discipulorum esse putat Capitula; quia videlicet ab his collecta oblataque Cœlestino, hujus nomine et auctoritate postea publicata sint. 3<sup>o</sup> Si Cœlestini essent, et ab eodem epistola suæ ad Gallos sussent subjecta, quomodo circumfererentur hactenus, aliquam procul dubio eorum mentionem ipse habuisset, cum tamen illorum nullatenus ibi meminerit. Non etiam hanc epistole apposuisset clausulam: Deus vos incolunes custodiat, fratres charissimi, quæ finem epistolæ Cœlestianæ demonstrat.*

*4<sup>o</sup> Cum S. Prosper Collatorem exagitans omnia adversus eum, tum Conciliorum, tum pontificum Romanorum suffragia aggerat, eundemque urgeat auctoritate non solum Innocentii, Zosimi, Bonifacii, sed et ipsius Cœlestini; nefas est suspicari quidquam ab eo auctore omittendum suisse e decretis a sede apostolica contra adversarios gratia promulgatis. Cœlestini porro unicam commemorat, quæ est ad Gallos, epistolam: quæ ut auctoritatem doctrinamque Augustinianæ de gratia Christi mirum quantum efferauit, de doctrinæ tamen ipsius articulis probationibusque prorsus sileat.*

*5<sup>o</sup> Vincentius Lirinensis presbyter et monachus plurimum laudans eamdem Cœlestini epistolam, Commonitorii sui adversus haereses cap. ult., sed et Photius patriarcha Constantinop. longe posterior eam in Bibliotheca recensens, pari uterque silentio præterit dicta Capitula. Quid argumento est neutiri sive comperta, saltem ut Cœlestini Papæ opus. Num credibile quoque eadem epistola usum fore Vincentium, ad tuendas Semipelagianorum partes, si tam evidenter damnatos in Capitulis annexis agnovisset.*

*6<sup>o</sup> Non eum loquendi modum hujus compilationis auctor, nec eam auctoritatem usurpat, quæ sumnum pontificem præ se ferant. Pluries enim allegans Romanæ Ecclesiae præsules, Innocentium puta et Zosimum, nusquam eos prædecessores suos appellat. Deinde ita passim loquitur, ut pontificum Romanorum, et scriptorum etiam aliorum se prodat discipulum, nedum pontificem Romanum. Exempli gratia: Nos piissimi Patres docuerunt; Apostolicæ sedis nos scripta docuerunt; Magistris nostris obloquentur. Et alibi: Sacratissima beatæ Apostoli sedes, per ministerium præsumendum suorum, etc. Rectores Ecclesie Romanae; Apostolici antistites.*

*7<sup>o</sup> Erroris occasionem dedit Dionysius Exiguus, cum epistola Cœlestini annexuit capitula. Ex ipso enim Cresconius, Petrus Diaconus, omnesque noni saeculi scriptores qui pro Christi gratia decertarunt. At si inspicatur curiosus Codex Dionysii, nihil comprehendetur ex quo statuere liceat, Capitula ista partem esse epistolæ S. Cœlestini: e contra versu hoc sive Dionysii consilium, ut unum ab altero discerneret, clamant ipsius codicis series, et affectu discriminis notæ, quæ in eo conspicuntur. Quoties enim unius pontificis scripta ab alterius scriptis secesserent vult, hunc semper titulum initio primi decreti seu epistolæ præponit, Incipiunt Decreta N.*